

Кому Республикаса том войтырлөн газет



Ставыс на водзын
8-9 л.б.

**Тайо
НОМЕРЫН**

Кольом шойччан лунö Сык-
тивкарса Киров нима паркын
другысь лоис вывті гаж. Сэті
ветлысь-гулайтысьяс аддзисны,
кызди быд пельöссянь кодзувъ-
яс моз кутісны чуқортчыны
яръюгыд рöма паськöма том
йöз. Сэся гораа кутіс юргы-
на джаз шылад, а ныв-зон за-
водитісны йöктыны.

3
л.б.

Май витöд лунö, буретш
Советскöй печать лунö, миян-
лы уси шуд уджыштны район-
са коми кывйöн гижысь том
журналистгыслöн коймöд слёт-
семинар вылын. Нимыс мичаа
юригис и: «Олам Комиын - ги-
жам комиöн». Уджсö котыр-
тысьнас вöлі Ольга Михайлов-
на Печеницына, Кörtкерöс
районса содтöд тöдöмулун се-
тан шöринлöн Шойнатыса фи-
лиалöн веськöдлысь.

4-5
л.б.

Межадор сиктса олысьяслы,
чайтöм серти, ёна мойвиис,
мый 2008 воын татчö физкуль-
тура велöдысьöн воис уджав-
ны Алексей Валерьевич Пече-
ницын. Сыкöд сиктсалöн олö-
мыс ёна вежсис. Том морт ас-
лас водзмöстчöмön кужис
öтувтны эз сöмын велöдчысь-
ясöс, но и сиктсаöс.

8-9
л.б.

Кöть миян странаын, кöть
суйöр сайын студентгыслöн
олöмыд зэв гаж. Газет лыд-
дысьяслöн радейтана
«Вөлöмкö» рубрикаын пасъям
медся шензьöданасö налöн ве-
лöдчöмысь.

14
л.б.



Сиам тiянлы шуд

Май 18 лунö челядылы Сыктывкарса шöр библиотекаын муніс
«Семья - радуга улыбок» гаж, кодöс сиисны Семья лунлы.

Гаж вылас воліс вит семья: Поповъяс, Далькеяс, Кочановъяс, Чуп-
ровъяс, Назаровъяс.

Быдöнлы сетісны нöдкыв, мый вылö вочакывнас вöлі - нюм. Сэс-
ся разöдісны быдöнлы мича «смайлик». Гаж дырйи семьяяс тöдма-
сисны ёрта-ёртныскöд, висыталісны семьяпытшса олöмысь шензьö-
данатор да ворсісны.

Водзö ставöн хорöн сыйлісны да клопайтісны öта-мöдныслы ки
пыдöсас. Вöлі и «Сказочное ассорти» челядёлöн конкурс. Медбö-
рын, сьöрсьöн-бöрсьöн сьёлöм öта-мöдыслы вуджöдöмön, сиисны
семья пытшкын гөгөрвоём да терпенньö.

Чупровъяслöн семья козыналіс библиотекаыслы семьяыслысь порт-
рет, кодöс серпасалома Василиса нылыс. Назаровъяс сыйлісны «Мы
желаем счастья вам» сьыланкыв.

Миян корр.



**Экзамен вылын
телефоныд оз отсав**

Май 25 лунсянь велöдчысьяслöн заводитчö пöсь кад - ЕГЭ сдайтöм.
Быть ковмас петкöдлыны тöдöмлун роч кывйысь да математикаысь.
Май 26 лунö ас кöсйöм серти медводз сдайтасны география да ли-
тература. Быд ЕГЭ сдайтанін, а найö республика пасьта 81, могмö-
дöма камераöн.

Ставнас ЕГЭ сдайтас 5.559 морт. На лыдын 4.862 - тавося выпус-
чник, 598 - воддза восясь и 94 - коді кольöм во эз сдайт. Ас кöсйöм
серти унджыкöн бöрйисны обществознание, физика да история.

Тöдса, мый экзамен вылö оз позь пыртны телефон. Тавысь вöтлас-
ны экзамен вылысь, весиг он вермы таво вылысь сдайтны экза-
менсö, да и аттестаттö воштан. А велöдысьясöс, кодъяс лэдзисны
татшöмторсö, штрапуйтасны 1.000-3.000 шайт вылö.

ЕГЭ сдайтанінын кутас мунны видеотрансляция, мый бöрся видзö-
дасны общественной наблюдательяс. Эм кö кутшöмкö торкөм, экза-
менлысь кывкөртöд оз лыддыны.

«Коминформ» серти



Сё
ДИВӨ

Кольём шойччан лунö Сыктывкарса Киров нима паркын другысь лоис вывті гажа. Сэті ветлысь-гуляйтисьяс аддзисны, кыдзи быд пельöссиянь кодзувьяс моз кутісны чукöртчыны яръягыд рöма паськöма том йöз. Сэсся гораа кутіс юргыны джаз шылад, а ныв-зон заводитісны йöктыны.

А мый тайö эськö вöлі?

Татшöм сяма флэш-мобыс юркарын вöлі медводдзаысь на. И нуöдисны сійöс В.Т.Чисталёв нима культура колледжын велöдчысьяс. Найö дыр кад чöж лöсьöдчисны тайö арт-моб нуöдöм кежлас: мөвпалісны образьяс вылын, корсисныдасьтисны колана костюмьяс, велöдчисны йöктыны стиягаяс моз.

Медводдзайн танцплощадка вылö петіс «Фазтон» хореография котыр, кодöн веськöдлö Н.Б.Виноградова. Том йöз заводитісны быд ногыс йöктыны.



Сэсся на бöрын «сцена» дорö матыстчисны культура колледжса став специальностья велöдчысьяс. Накöд орччөн вöліны и велöдысьясныс. Йöктысьяс чукöрмис матö сё морт. Томуловлысь джаз-модерн улö вежнясьöмсö видзöдны чукöрмис вель уна йöз.

Найö ёна клопайтисны йöктысьяслы, кодсьюрö висиг горöдлывліс - татшöм ногөн аттьöалис ныв-зонмöс.

Кутшöм öдйö заводитчис флэш-мобыс, сідзи жö и эштіс. Другөн кусіс шылад, и том йöз заводитісны разöдчавны коді кытчö. Некрымын здук, и быттö нинöм эз вöв. Видзöдысьяс колісны весьöпöрöмөн - а мый тайö эськö вöлі...

Арт-мобсö колледжын велöдчысьяс сиисны Россияын культура да Комиын дзоньвидзалунлысь Вояс пасйöмлы, а сідзжö велöдчан во помасьöмлы.

Культура колледжлөн сайт серти



Уджтöг гажтöм

Кöрткерöс районса бюджетысь торйöдöма 300 сюрс шайт 14-18 арлыда челядьöс гожем кежлö уджөн могмöдöм вылö. Районса администрациялөн пресс-службалөн юöр серти, сэтчöс йöзöс уджөн могмöдан районса шöрин пыр мөвпалöны аддзыны удж 230 велöдчысьлы. Медводз пö отсаласны уна челядя, судзсьытöм семьясысь ныв-зонлы, а сідзжö батъ-мамтöм да учёт вылын сулалысьяслы. Школясынь кутасны уджавны 146 ныв-зон. Йöзöс уджөн могмöдан шöрин быд тöлысь кутас сетны уджалысь челядьлы сьöма отсöг - тöлысьнас 1.020 шайт.

Администрацияын мөвпалöны и гожся шойччöм йылысь. Челядьлы дасьтöма спортивнöй да дзоньвидзалун ёнмöдан, волонтерскöй, гражданско-патриотическöй площадкаяс. Сідзжö ныв-зон шойччаны Коми, Киров обласьтса, Анапаса, Санкт-Петербургса да Ярославльса лагерьясын.



КОЛАНА УДЖ

Лунтыр - журналистъяс ордын

Май витөд лунө, буретш Советской печать лунө, миянлы уси шуд уджыштны районас коми кывйөн гижысь том журналистъяслөн коймөд слёт-семинар вылын. Нимыс мичаа юргис и: «Олам Комиын - гижам комиён». Уджсö котыртысьнас вöлі Ольга Михайловна Печеницына, Корткерос районса содтөд төдөмлун сетан шөринлөн Шойнатыса филиалөн веськөдлысь.

Коми кывъя челядь зия уджалысь «Звезда» газетса шөр редактор Эдуард Пименовкөд да сэтчөс жö уджалысь Евгения Потаповакөд, «Йөлөг» газетсы да «Чушканзи» журналысь шөр редакторъяс Галина Макаровакөд да Григорий Хатанзейскийкөд. А ми кодъ челядысь волісны Ыджыдвиддзысь, Шойнатысь, Нёбдінысь да Пөддельнойысь.

Медводз миянөс вочаалыны сыйлөм-йөктөмөн Шойнатыса челядь, сэсса аслыспөлөс кывкөртөдөн юксис Ольга Михайловна Печеницына воддза воясы семинар йылысь. Дзоридза ас киён вөчөм козинъяс вичмысны и локтысь гөсьтыяслы - журналистъяслы, и миян велөдысьяслы.

А сэсса заводитчис лунтыръя удж. Ми, Ыджыдвиддзысь томуров, вөлім унаён, быдса дас өти морта котыр, да пыр уджалім асьным торйөн. Медводз веськалім

Галина Макарова дорө. А «Йөлөг» газеттө ми, ок, ёна радейтам, да уджыс вывтү бура артмис. Главной редактор миянөс велөдіс босьтны интервью. Ми сюся кывзім-гижим да велөдчим сетавны колана юалөмъяс. Эг төдлөй, кызди миянлы урчитан кадыс коли, да корёны нин мөдлаө вуджны, а ми «Йөлөгакөд» некыз торйөдчыны ог вермөй, помся шуам: кык минут виччысьлөй, помась нин сёрниным. Вит минут мысти бара нин тотшкөдчөны - корёны вежсыны котыръясөн, а ми, мойдкывъяд моз, наян ручьяс моз, бара на небыдика шуам-корам: нөшта вит минут нөрөвитышгылөй, дзик нин сэсся помалам сёрнинымс... Бөрынась ёна та вылын нывьёртыськөд тешитчим-сералім, мойдкывйыд дум вылад уси да!

Сэсса радпырысь вуджим «Чушканзи» уджөн төдмасыны. А Григорий Хатанзейскийд миян кодъ жö наян вөлөма. Оз ачыс висьтась, а миянлысь юасьопычкө, мый могөн ми татчө локтім, мыйö көсьям велавны, мый вылын школаын уджалам. А кыз төдмаліс, мый ми классын лэдзлывам асьыным «Рөмпөштан» газет, пыр жö сэтчө шашаритчискутчысис, и давай юасыны: кутшөм сійө, кымын лист бока, мый медводдза лист бок вылас

миян лэдзөма-гижөма, мый шөрас суйөма, бөръя лист бокасы кызды помась. Эгө төдлөй, а став тайө юорнас юксигмоз сійө вөчаліс-висьталіс колана кывкөртөдъяс: мый миян колана ног артмө, а мый вылын нөшта колө на уджыштны, медым збыль бур да стөч юөра газетным лоас. Ачыс пыр мукөд коми газет-журнал вылө мыджсьө висьталігас, то өти колонка петкөддас, со пö тадзи бурджык лоас, то юөр вылас индас, тадзи пö, челядь, колө заводитны висьтасьөмнытö, а тадзи кывкөртавны. Бара кадыс лэбыштіс, кыз шуласны, син лапнитігкості урчитан кадыс помасис.

Видзөдам да, миянлы автобус вылө котөртны кад воис. Сөмын слөймим эскөдана кабалаяс босьтны, мый ми збыль тайө семинар вылас велөдчим, а эгө көнкө лытайтөй-гуляйтөй. Пыр жö пуксим автобусö да кокни сьөлөмөн кайим гортлань.

Зэв на окота вөлі кывзыштны «Звезда» газетын уджалысьясөс, но найө эскөдісны, мый татшөм аддзысьлөмъясыс лооны на. Сідзкө, водзö аддзысьлытөдз!

Полина СТАРЦЕВА,
9-өг класса велөдчысь,
Корткерос районсы
Ыджыдвидзса
«Этнокулбө» ветлысь.





Нуодисны вежөрө колян удж

«Олам Комиын - гижам комиён» уджтас Корткерос районын таво оломö портсылыс коймодысь нин. Медшөр могыс - ышодны районса томуловос гижны комиён, ертасыны коми кывъя газет-журналкөд. А сіджө аслыныс велөдчысыяслы кужны лэдзны том йозлы да школапытшса газетъяс.

Коймодысь жö нин тайö уджтасö пырөдчöны да ыджыд пай пуктöны республикаса коми журналистъяс. Со и та пöрийö челядькөд уджаліс куим главнöй редактор да районса газетысь вёрстка дасытысь. Эдуард Пименов, Евгения Потапова, Галина Макарова да Григорий Хатанзейский нуодисны вежөрө коляна удж. И челядь, дерт жö, на вылө мыджсьомён, нöшта на бурджыка кутасны гижны да дасытыны ассыныс газетъяс. Зэв ыджыд атгö таысь журналистъяслы.

*Ольга Михайловна ПЕЧЕНИЦЫНА,
Корткерос районса содтöд тöдöмлун сетан шöринлөн
Шойнатыса филиалөн веськөдлысь.*

Корткерос районса коми кывйөн гижысь том журналистъяслөн коймөд слёт-семинарвыкса сёлөмкылөмъясөн юксьöны тиöтти и Шойнатыса томулов.



И велөдчим, и вöчасим

Слёт-семинар заводитчис сиктса клубын, көні кружокъяс вылө ветлысь челядь петкөдлісны неыджыд концерт. Коми Республикаын журналистъяслөн союзөн веськөдлысь Эдуард Пименов сеталис атгöалана гижөдъяс ныв-зонлы, кодъяслөн гижөдъясыс эз нин öтчыдысь петавлыны газетъясын. Нöшта Эдуард Вячеславович сетіс мян веськөдлысь Ольга Михайловна Печеницыналы «Россияса журналистъяслөн союзö» пырөм йылысь удостоверение, сійöс мөдөдөмаöсь Москваысь.

Слёт дырйи уджаліс куим секция, көні позис босьтны журналистика серти тöдöмлун. Нöшта Шойнатыса содтöд тöдöмлун сетан шöриннын зільысыяс артмылөм прöст кадö велөдисны вöчны кипом удж: кодкө дзоридз вöчис, кодкө чипан.

Татьяна ПОПОВА, 2-өг классын велөдчысь.

Нöшта на волам

Ми журналистикаад пырөдчам медводдза во на. Дерт, паныдасьлöны кутшöмсюрö мытшöдъяс. «Йолöга» газетысь главнöй редактор Галина Макарова зэв бура велөдіс гижны статья, висьталіс стиль боксянь гижөдъясын кутшöм тырмытöмторъяс медъяна паныдасьлöны, кыдзи вöчны текстсö нöшта на интереснöйджыкөн. Локтан татшöм семинарслёт вылас окотапырысь на эськө волам.

*Ксения ПОПОВА да
Эмилия КАНЕВА, 10-өг да 8-өг
классъясын велөдчысыяс.*



Уджалім снимокөн да гижөдөн

Меным уси шуд веськавлыны слётвыкса «Газетлөн дизайн» юкөнö. «Звезда» газетысь главнöй редактор Эдуард Пименов да вёрстка вöчысь Евгения Потапова велөдисны, кыдзи мастерджыка вöчнытэчны газет, кыдзи уджавны снимокөн да гижөдөн, кыдзи найöс бура йитны öта-мöдыскөд. Öти кывйөн, кыдзи вöчны газет, медым сійö вöлі лыддянаөн да медым окота вöлі сійöс босьтны киö. Сёрнисö нуодисны зэв бура да гөгөрвоана.

Илья КАРПОВ, 9-өг класса велөдчысь.



КОНКУРС

«Быд комилы дона и муса,
Дзик мамнымлөн сёрни кодъ ас,
Ён бордъяса Тэнад шань Муза
Мед кытшовтас парма и рас».

А. Ванев.

«Со кыдз сійӧс тӧда ме...»

Да, тайӧ сідзи и эм! Кыті сӧмын оз кытшовт да
восьяв Куратовлӧн шань Музаыс!!!

Медводдза коми гижысь Иван Алексеевич Куратовӧс тӧдӧ уна-уна сё сюрс морт. И ме зэв шуда, мый тайӧ лыдас тшӧтш жӧ пыра, мый сійӧс тӧда ме. А кыдзи ме тӧда? Со кыдзи: ичӧтӧн на меным восьтіс Куратовӧс прабабӧй - Марфида Иосифовна. Сэки ме унатор на эг гӧгӧрво, но зэв ёна воисны сьӧлӧм выль матысса мортӧн висьталӧм кывбуръясыс. Быд рыт: гожӧм и тӧв, тулыс и ар - прабабӧй пыр печкис, кыис, дӧмис, вурис да вом-горулас мыйкӧ шуалис, а корсюрӧ и сывывливліс.

Меным вӧлі зэв дельной, мый йылысь сійӧ сьылӧ. И ӧтчӧд ме юали, а сійӧ пуксьӧдіс менӧ ас бокас пач вомӧ да шуис: «Кывзы, мада нучкаӧ, Сандраӧй, дай сьӧлӧмшӧрӧй». И мый ті чайтанныд, ӧд сійӧ юрысь висьталіс медводдза коми гижысьлысь «Сандра сьӧлӧмшӧрӧй» кывбурсӧ. Меным дивӧ лои, эз-ӧ ачыс нин гиж?! А бабӧй небыдика нюмтӧвтіс да шуис, мый тайӧ гижӧдыс паськыда нималана мортлӧн. И кыскис сундуксьыс зэв важ книга, веситӧ ачыс оз помнит, кыдзи сійӧ веськавлӧма сы дорӧ, на кодӧ вӧлі сылы зэв дона, синсьыс ёнджыка видзис, унатор сэтӧсь кужис висьтавны юрысь.

Бабӧй пыр зэв кужӧмӧн пыртіс кывбуръяссьыс юкӧнъяссӧ аслас сёрниӧ, йитис колананогӧн лӧмторйыскӧд. Прадӧдӧй, Макаяр Сем, вӧлі синтӧм, и бабӧй шуывліс:

*«Пӧльӧ важӧн синтӧм гзык
Да оз сьӧктӧд сійӧ асӧн
Некодӧс, пыр кималасӧн
Уджалӧ тайӧ нӧбжӧйӧник»
Суседъяс гӧсьтитны кор пыравлісны:
«Лок жӧ, лок, бур гӧсь!
Видлы менсьым керка-карта.
Со тӧд сур доз, вина парта,
Чериньянӧй пӧсь...»*

А чериньяныс миян пыр и вӧлі пӧсь, ӧд олам Печора-матушка ю бердын, сійӧ миянӧс и вердӧюктӧдӧ, дедӧ вӧлі лютӧй чери кыйысь. Внук-внучкаӧс лайкан потанын качайтігӧн сьыліс:

*«Сьылан менам, сьылан,
Мича авъя пиӧ!
Долыда ме тӧнӧ
Босьті мелі киӧ».*

А кор чукӧртчасны пызан гӧгӧр да пукалысьяс пӧвстын кӧ том зонъяс:

*«Мый нӧ, зонъяс, горӧктылам?
Гашкӧ, выль ног важсӧ сьылам,
Дыр-ӧ кульӧс ныр улӧ
Ымзам, тӧв мед нуалӧ».*

А ме медъяна радейті «Том ныв да Сандра, сьӧлӧмшӧрӧй» кывбуръяс. Ӧд менӧ бабушӧй пыр

ыджӧдліс Сандра, сьӧлӧмшӧрӧйӧн.

Школаын велӧдчигӧн нин ме восьті Куратовӧс, кыдзи лирикӧс. Тӧдмалі, мый эм сьылӧн пыдди пуктана любовной лирика, кодӧс ме лыдӧдӧ поэтической талантлӧн олӧм выль аслыспӧлӧс видзӧдласӧн. Ӧд муслуныс сетӧ ловъя мортгыслы олан гажсӧ. Унатор радейтіс Куратов, но любовной лирикаас медся нималана аслас радейтана нывлы сибӧм цикл. Зэв кышӧд гижӧдӧн лӧ «Том ныв» кывбур. Гижӧ ныв йылысь, кодӧс поэт зэв ёна радейтӧ, нимкодъясьӧ сьылӧн мичлунӧн, збойлунӧн, кышӧд оласногӧн.

Кӧть и радейтӧчыс ныла-зонма костын вӧлі зэв дженьыд, но ме думайта, мый тайӧ гижысь олӧмын медся шуда здукъясыс да лунъясыс. Сідз шусяна «любовной цикло» пырысь кывбуръясыс и кышӧдӧсь, и шогӧсь, веситӧ аслыснога гажтӧмӧсь. Сандракод аддзысьлӧмъясыс мичмӧдісны Усть-Сысоляскын сьӧкыд олӧмсӧ, мед кӧ тайӧ кад-коласгыс зэв дженьыдик, но сійӧ восьтӧ поэтысь сьӧлӧмсӧ. Кор Куратов гижліс радейтана ныв йылысь, сьылӧн лирикаыс югдыліс, нывкод аддзысьлӧмъясыс пӧрлывлісны нимлунӧ:

*«Талун му выв югыд, шоныд!
Талун нимлун быдся лунлӧн!
Талун мелі-й голыд Сандра!
Талун, шогӧй, дерт, тэ вунан!»*

Кывбурис эськӧ-й дженьыд, но кутшӧм джуджыд мӧвп сюркнялӧма «Талун» кывйын, кор удайтчӧма аддзысьлыны радейтана нывкод.

Ме зэв ёна радейта лыддыны Куратовлысь кывбуръяссӧ, тшӧкыда киӧ босьла прабаблӧн сундукыс небӧгсӧ, атгӧала, мый велӧдіс радейтны менӧ коми поэзия. Кӧть ӧні прабабушӧй абу нин ловъя, но пыр казтывлӧ сійӧ лунсӧ, кор ме медводз тӧдмалі ыджыд гижысь йылысь:

*«Миян сёрни вӧліс голыд,
Миян сёрни нюжаліс...»*

И кор нин ме ачым кодлыкӧ лоа бабӧн, сэк нин ме прабабысь уна пӧв унджык кута тӧдны медводдза коми гижысь Иван Алексеевич Куратов йылысь. Ӧд велӧдча на ме сӧмын 7-ӧд классын. Уна во на визувтас, унатор вежяс, но ӧтитор оз вушйы, оз быр:

*«Пыр Музаяд том, кыдзи Эжава,
Кыз пармаысь писькӧдчысь ёль,
Эз гудыртчысь, бокӧ эз кежлы,
Йӧз сьӧлӧмысь ортсӧ оз коль».*

**Дасьтіс Александра ИСТОМИНА,
Изьва районысь Кипиево сиктса
шӧр школаын 7-ӧд класса велӧдчысь.**

**Велӧдысь:
Нина Николаевна АНУФРИЕВА.**





«Со кызд сійөс төда ме...»

Юргө миян Коми муным
Нималана йөзөн.
Найө повстын - Ольош Ваньё,
Подув кывлы пуктысь.

Ольош Иван коми йөзөс
Ёна пуктис пидди.
Сандра нима муса нылөс
Тайө сылысь мырддис.

Ассьыс олөм сиис йөзлы -
Пөрысьлы и томлы.
Коми кывлысь мичлун восьтис
Помтөм-дортөм мирлы.

Ёна эз во сьөлөм вылө
Тайө «вына» йөзлы.
Ылі Верной карө-йөрө
Ыстисны тай найө.

Сэни помаліс Куратов
Ассьыс югыд олөм.
Но оз вунсы коми йөзлөн
Озырлун, мый колис.

*Кристина ПРОВОРНАЯ,
11-өг класса велөдчысь,
Инта района
Петрунь сикт.*

Сора 18 лунө ми пасьям Иван Алексеевич Куратовлысь чужан лунсө. Сідзкө, буретш таво медводдза коми гижысь И.А.Куратовлөн чужомсяньыс тырө 175 арөс. Ми, Көрткерөс районысь Ыджыд-видзса войтыр, «Шондібанө» ветлысьяс, эг вермөй кольны бокө та ыджда гажысь да такөд йитөдын сьөлөмсянь серпасасим, гижим-казыштим нималана коми поэтөс. Ме нөшта лөсьөді Куратовөс радейтысь-лыддьысьысьяслы сылөн уна рөма кывбурьяс серти юалөмьяс. Сьөлөмсянь кора төдмасьны И.А. Куратов творчествоөн да вочавидзны юалөмьяс вылө.



Төдан-ө Куратовөс?

1. «Коми кыв» - мем...
 - а) дона, небыд, мича, гора;
 - б) дона, мыла, юргө шорөн;
 - в) дона? Мыйла сійө колө?
2. Кутшөм серамбана кыв-бурлы лөсялө тайө шусьөгыс: «Йөзөс эн серав - серөссян»?
 - а) «Көина-каня»;
 - б) «Рака»;
 - в) Шыр да гадь.
3. «Микул» важ мойд-кывйын эм татшөм кывтэчас «Кусыс дас ур стөч». Сёрниыс тани мунө...
 - а) сьөм йылысь;
 - б) уръяс йылысь;
 - в) коми охотниклөн вөралөм йылысь.
4. «Синтөм пөльө» нинк-өмөдас...
 - а) отсалас көмасьны;
 - б) нимөдас;
 - в) көм вөчас.
5. Кывт - тайө...
 - а) доздук;
 - б) пачводз;
 - в) пыж.
- 6) «Тима, дерт нин, пөрысь» кывбурын «Тима бөрысь вөтчы мукөд тоштөм» колө гөгөрвоны, кызд...
 - а) бритчан реклама;
 - б) том йөзөс;
 - в) пөрысь мортөс.
- 7) «Голь зон» кывбурын «сөа» кывлөн вежөртас:
 - а) сьөм;
 - б) сөя;
 - в) скөт вердөм.
- 8) «Закар ордын» кывбурын Ласей геройөс серпасалөм -
 - а) «Коді олө юкөд, тыкөд»;
 - б) «Коді быдся керкаө пес поткөдлө, ва новлө»;
 - в) «Йитлалысь чөс туй вылын гөрөд көчлы...».
- 9) «Менам муза» кывбурын...
 - а) Муза - муса нывлөн ним;
 - б) поэтлөн гөтыр;
 - в) поэтлөн творчество.

*Удж гасьтысь:
Полина СТАРЦЕВА,
9-өг классын велөдчысь,
Көрткерөс района
Ыджыдвидз сикт.
Велөдысь:
Эльвира Александровна
СТАРЦЕВА.*

Вөдитчан литература:
Иван Куратов «Менам муза»:
Художественной гижөд чукөр.-
Сыктывкар, 1979.



**Босьт
ПРИМЕР**

Межадор сиктса олысьяслы, чайтём серти, ёна мойвиис, мый 2008 воын татчö физкультура велöдысьён воис уджавны Алексей Валерьевич Печеницын. Сыкөд сиктсалён олöмыс ёна вежсис. Том морт аслас водзмöстчöмөн кужис öтувтны эз сöмын велöдчысьясöс, но и сиктсаёс. Пырöдчыны спортö школаса физзалын да культура керкаын меститчöм тренажерной залын окотапырысь воывлöны челядь, верстьö войтыр, а тшöтш и олöма. И некод асьсö оз кыв öбидитöмаөн, öд быдён бурмөдö-сöвмөдö дзоньвидзалунсö, да и том физзруккөд пыр эм мый йылысь сёрнитны, позьö корны колана вöзйöм, а тшöтш и кутшöмкө ордысьём вылö либö походö ветлыны.

Ас районын - ас морт



Алексей Печеницын чужлöма Сыктыв района Кунибын. Гырысь классьяссö сийö помалöма Первомайской посёлокын. Кунибас велöдчигөн на том мортлы лöма матын туризм нырвизь. Елена Алексеевна Главинская велöдысьяс отсöгөн окотапырысь тöдмасьöма спортивентарён, велöдчöма колана ногөн гартны көвъяс, ветлöмаöсь вөрöд, ордысьöмаöсь. Сэки зонкаыд велöдчöма витöд классын на и сьölöмяныыс радейтанаторсö сийö абу вунöдöма.

Школасö помалöм бöрын зон пырöма велöдчыны Сыктывкарса медводдза номера педучилищö, а сы бöрын нин Великие Луки карын помалöма физкультура да спорт академия. И пыр Алексей вöлöма водзмöстчысьяс лыдын. Öти гуся мөвп збыльмöма: сийö йитöма асьяс олöмсö спорткөд да туризмкөд.

Нöшта öти гуся мөвп вöлöма том мортлөн: локны уджавны ас районас. И сийö збыльмöма. Мед-

водз Алексейлы вöзйöмаöсь Палаззяын удж, а сясся и Межадорö корöмаöсь. Нинöм вылö том морт оз элясь. Ставыс сьлөн бур, со пö оланін сетисны, уджой пö сьölөм серти, сиктса воём мортöс пыдди пунктöны, школаса велöдысь котырыс зэв бура во-чаалöма, да и челядьыс кывзысьясöсь.

- Школаным миян абу ыджыд, - висьталис Алексей Валерьевич. - Велöдчысьяс муртса нелямын сайö, быд классын - 3-5 морт. Тавося медводдза классыс тай сöмын ыджыдджык - 10 морт сайö велöдчысьяс. Сэсся öд и 10-11 классö ныв-зон мунöны велöдчыны Первомайской посёлокö. Та вöсна томувöс ме водз заводита тöдмөдны туризм нырвизьөн. Челядьöс босьта 3-4 классьяссянь. Дерт, заводитны быд удж сьöкыд. Но эм кө кöсйöм да вын пунктöм - ставыс артмас. А во-мөд мысти нин найö меным прамой отсасьяссясөн лöоны. Да и разряд вылö вермöны горйысьны.

- Челядь окотапырысь ветлöны быдсикас ордысьём вылö да петавлöны походьясö. Оз повны катамараньяс вылын лэччыны ю кузя, нывкаяс зонкаяскöд öттишöти кужöмөн сынöны, - водзö юксьö велöдысь. - Видзöдан да, каг кольыштöм бöрын, томувов зэв шогпырысь вуджöны велöдчыны посёлокö. Но сэнi оз ёна пырöдчыны спортга. Та вöсна



ме найос некор ог отгорт - рытъяснас ныв-зон пыр локтоны физкультурной либө тренажерной залө, ветлоны мянкод и походгьясө.

Школаыс библиотекарь Антонина Васильевна Меньшенина шуис, мый му вылас пö эмось сэтшöм йöз, кодгьяс оз вермыны пукавны уджтöг. Найö вöчöны ассыныс, сэсся ёртыслыс бергöдöны-вайöдöны помöдз, сэсся нöшта кодлыкö отсалöны. Позьö шуны, мый Алексей Печеницын на лыдыс. Пыр пö мыйынкö водзмöстчö. Том морт удитö школаын физкультура урокгьяс сетны, нуöдны баскетбол-волейбол да мини-футболон ворсöм кузя кружокгьяс, сы бöрын котöртö культура керкаса тренажерной залö да сэтчö ветлысыяскöд уджалö. Таыс кындзи Алексей сиктса клубын зильысыяскöд тшöтш пöшти быд мероприятие нуöдö. Удитö и челядьöс петкöдлыны районса, республикаса да рытыв-войыв ордысыормаыс вылö. Районын да республикаын межадорса пыржык медводдзаяс лыдын - некор оз локны приза местатöг. И таын зэв ыджыд пайыс, дерт жö, велöдыслөн.

Во-мöд сайын Алексей Печеницын шедöдöма грант да сы вылö ньöбöма туризмöн занимайтчöм вылö колана оборудование, лöсьöдöма сиктса культура керкаын тренажерной зал. Гожöмгьясыс том мортлөн кык пöв öдйö кольöны, öд челядькöд унаыс нин ветлöмаöсь гöраяс вылö, кывтöмаöсь районса да ыджыд юяс кузя. Тöвгьяснас велöдыс челядьöс ёна котрöдлö лыжиöн. Да и ачыс оз кольчы, быдторйын петкöдлö пример.

Быд ветлöм томулов казгытöны кыдзи медся шуда здукгьяс. Велöдысылөн тай сöмын абу на гöтыр ни челядь. Сийö олö школаса быдтасгьясыскöд, сетö налы став сьöлöмсö. И мöдгьясыс таыс пыдди пуктöны мужичöйöс. Öд быд ветлöм - тайö уна снимок-казгытöм, а тшöтш и снимайтöм кино, кодöс вöчö ачыс Алексей Печеницын жö.

Мед эськö унджык татшöм мортгьяс вöли му вылас, торйөн нин велöдысыс. Медым челядь нэм помöдзныс нимкодпырыс казгытвлисны школаса шуда здукгьяссö да окотапырыс юксисны босьтöм тöдöмлуннас ёртгьясыскöд. Збыльыс тай шуласны татшöмгьяс йывсыс - ас районуын пö сийö ас морт.



Ставыс на водзын

Мойвиис и Алексей Печеницынлөн быдтасгьясыскöд сёрнитны. Тайö 6 классын велöдчысыс - Арина Истомина да Настя Пыстина. Нывкаяс туризмö пырöдчöны коймöд классянь.

- *Заводитнытö зэв сьöкыд вöли*, - казгытöны нывгьяс. - *Нинöм ог гöгөрвоёй, кутшöмкö пырыс көв мянлы велöдысьным петкöдлис. Медводдзаяс видлим гөрöдгьяс вöчны - зз артмы. А сэсся вочасөн, ньöжйөнникөн кутис ставыс лагмыны.*

Нывкаяс велöдысыс моз жö быдторйын водзмöстчöны. Бура велöдчöм кындзи удитöны ветлыны волейбол кружокö, тöвгьяснас котралöны лыжиöн. Сэсся и сиктад челядьыд абу уна да, культура керкаын сьылöны-йöктöны. Медым туризм нырвизыын дзык нин ас мортөн лоны, лёгкöй атлетика вылö на ветлöны.

Нывкаяслөн ставыс на водзын. Бур примерөн налы лоö велöдысьныс. И код тöдас, гашкö, некымын во мысты межадорса нывкаяс йылыс тöдмалас став мирыс. Öд спортыд морттö ёнмöдö, велöдö колана ногөн овны, и весиг мөвпавны заводитан мöд ногөн. Мед и водзö вылö Ариналөн да Настялөн оз вош быдторйö велöдчыны кöсийöмыс.

Надежда ПУНЕГОВА

Снимокгьясыс Алексей Печеницынлөн.

Иван БЕЛЫХ

И эновтісны вадорсё каляяс



Тулыслысь лов шысö öнi мед-бура кыла мян войвылö ог ябыръяс либö сьöд ракаяс, а каляяс воом бöрын. Кöть и ачым уна во нин ола карын да ю-тыкöд гежöда нин удайтчывлö аддзысьлыны. А со нö кодкo лунö асывнас видзöдлi аслам патера öшиньö, да сьöломöй чечыны кутiс. Каляяс тай воöмаöсь. Кык ыджыд, мича да еджыд лэбач бордьяснас ньöжйöник шенасигмоз гöгралöны уна судтаа керкаяс коласö сувтöдöм ёг чукöртан бакьяс весьтын. Асланыс ёсь синьяснас видзöдöны, оз-ö нурьясьыштны сюр. Вадорсьыд, тыдалö, оз на нинöм чукты. Со и тшыг кынöмыд вайöдöма найöс кар шöрö. Кöть эськö тайö лэбачьясыс векджык öтдортчöны йöзсьыд. Абу гулюяс, чавканьяс либö катша-рака кодьöсь, кодьяс тайö бакьяс гöгöрыс лун-лун лэбалöны да кокасьöны. Ёг тыра дозйөн сэтчö менам матыстчигмоз гулюяс сiдзи кок улад и уськöдчöны. А катша-ракаыд сöмын неылö вешйöны, муртса бергöдчан, сiдз жö пыр и матыстчöны гулюяс бöрся. А каляясыд оз. Пыр куласны гöгравны, кытчöдз ни öти морт бакьяскöд орччөн оз ло. А сэсся друг тэрыба тювмунасны увлань, кватитасны кутшöмкö нуртор асланыс ёсь нырнаныс да пыр жö лэбасны кытчöкö бокö. А мукöд лэбалысьяс каляяссьыд видзчысигмоз весиг разавлöны тöкөттьö кежлö. Полöны найö тайö вынйöра да наян лэбачьясьыд.

Кымынысь паныдасьявлi каляяскöд Эжва дорын вуграсигьясөн. Пукала аслам шатиньяскöд орччөн. Пöльтö небыдик рыгывлун төв, вöтлö визулыслы паныд посныдык гыяс. А ва весьтын паськыд бордьяснас тэрмасьтöг шенасигмоз öтарö-мöдарö лэбалöны каляяс. Да öд сэтшöм мичаöсь. Он кöсий да нимкодьян наөн. Сiдзи жö на моз окота кыпöдчывны сынöдö да вылісянь видзöдлыны му вылö. Абу сiдзтадз каляяс йылысь сы мында сьыланкыв лöсьöдöма. Тыдалö, вооны йöзыслы сьöлом выланыс тайö мича лэбачьясыс. Унаөн чайтöны, мый найö шудлун да радейтчöм вайöны мянлы.

Со муртса быттьö и шеныштчöны бордьяснас, а сэтшöм öдйö водзлань вооны. Сэк жö сюся видзöдöны ва веркöсö. То öти, то мöд виччысьтöг из моз уськöдчö-

ны увлань. Видзöдан да, удитöмаöсь нин кватитны кутшöмкö падмöм чериöс, кодi сьякьялысьгы вöснаыс эз удит аддзыны сы вылö вылісянь уськöдчысь каляяс. А вуграсьясьтö каляыд быттьö оз и казав. Но синмыс сюсь. Видлы сöмын кытчöкö недыр кежлö былыстчывны, пыр и тшапнитас берег вылö эновтöм кыйдöстö. А со нин кык наян каля гораа кливзигмоз уськöдчöмаöсь ыджыд рака вылö, кодi сiдз жö вöлі мыйкö нуö нырнас. Повзьöм ракаыд оз вермы водзсасыны кык каляыды паныд, да быттьö лоö сетны шедöмторсö. А ачыс гораа кравзигмоз лэбö мöдлапöвлань. Овлö и тадзи. Оз ёна ладмыны ракаясыд каляясыдкöд.

Менам челядыдрийи Эжва кузя вöлі помтöг кывтöны-катöны пароходьяс да теплоходьяс. Сэты-

сянь корсюрö шыблалöны ваö сёян колясьяс. Каляясыд пыр жö казьялöны тайöс да дыр сэсся лэбöны кывтысь либö катысь пароход-теплоход бöрся. А аддзаны кö, мый кодкö кывтыськатысьяс пиысь шыбитіс ваö нуртор, пыр жö гораа горзигмоз уськöдчасны да пондасны мырддысьны öта-мöдныслысь.

Тшöкыда жар гоҗся луньясö каляяс быдса часьясөн вермöны пукавны лыа вылын ас костаныс мый йылыськö гораа варовитигмоз. Но кутан матыстчыны на дiнö, да пыр кытчöкö дöзмöмпырысь кливзигмоз лэбасны. Но сэк жö оз пыр повны найö мортсьыд. Öтчыд öти карса гöсьткöд вöлі мунам паськыд лыа вомөн мöдлапöлысь вуджöм бöрын. Друг неылын пукалысь кык каля тэрмасьöмөн лэбисны мянлань да гораа кливзигмоз кутiсны гöгравны дзик юрьяс весьтын. А öтиыс



на пиысь кокыштіс менам ёртлысь куш юрсө. Ми чуймөмөн видзөдім вельмөм каляяс вёлö. Мый нö накöд лоöма? А сэсся лэдзим юръяснымöс увлань. Вөлөмкө, нейдждь лыа гуранторйын шондї улас пöжсьöны каля голзөн колькъясыс. Менам ёртöй муртса абу тальыштöма найöс. Ме сöмын сералыштї ёрт вылын, мися, менö ас мортөн лыддьöны да оз кокавны, а тэнö, боковöйöс, вöтлöны, мед сэсся мöдысь он лок. Дыр на миян вёлö усъласисны каляясид, кытчöдз öдйöджык эг вешйöй бокö. Да öд кливзöны зэв скöрпырысь. Быгтьö дыр мавтлытöм вöснаыс кутшöмкө öдзöс дзуртö. Быд лэбач öд кызди вермö, зильö дорйыны ассыс позсö. Сідз жö и каляяс.

А коркö челядьдырйи на кутшöмкө зэра лунö садьми да видзöдлі öшиньö. Пыр жö чуйми. Миянсянь неылын паськыд эжасы быгтьö вевттысьсöма сöмын на усьöм еджыд лымйöн. Сы мында сэтчö каляяс пуксьöма. Ставныс бордыяснас шенасигмоз чечалöны öтиласянь мöдлаö да тэрыба кокасöны. Верстьöяс висьталöны меным, мый каляяс кокалöны муысь петöм нидзувьяссö. Сійö эжа муыс вöлі зэв вына да, сэнї тырыс рöдмöма нидзулыд. А зэрöм бöрад ва мусьыд пöдöмысь видзчысигмоз найö петöмаöсь ортсö. Тайöс, вөлөмкө, бура тöдöны каляясид да нарошнö воöмаöсь миян сикт бердö нуръясыны. Оз тай налы сöмын чери ков.

Збыльысь, чери кыйысь каляясидкөд талун оз сöмын вадорын уналаын позьö паньдасыны. Кымынысь эг воы гожöмъяснас Вылыс Човса шойна вёлö да быдысь сэтысь аддзывлі каляясöс. Казялöмаöсь найö, мый шойна вёлö волігьясö йöзыс кулöмаöс казтылігмоз кольöны гуяс вёлö сёян колясъяс. Со и лэблывлöны сэтчö кокавны курас-карассö. А быть öд асьтö колö кызкö вердны. Пыр этшаджык миян тыюясын чериыс, кодөн пыр нуръясылсны каляяс. И öнї тайö тыюясыс оз вермыны пöттöдз вердны коньöр лэбачьясöс. Со и найö тшöкыда эновтлывлöны вадорсö, ассыныс векся гожйöминнысö да лэблывлöны мортлөн оланінлань. Оз-ö мыйкö сэтысь сюрышт? Тадзи велöдö тайö мича лэбачьяссö олöмыс.

«ТАЙÖ КЫВ МЕМ ДОНА»



Тöдöны на тай комитö!

«Эжваса комяс» общественнöй öтмунöм котыртіс да нуöдїс Эжва карысь 4-öд класса велöдчысыяс пöвстын коми культура, традиция, история да кыв тöдöмлун серти викторина. Ставыс мунїс кык туры: медводдзаас ныв-зон вочавидзисны öтмунöмөн дасьтöм юалöмъяс вёлö, и буретш медся тölкаяссыс и петісны мöд турö.

А мöд турыс мунїс Эжваса коми культура шöринын, сэнї нуöдїсны «Коми муой, сьölөмшöрöй» интерактивнöй ворсöм, кытчö пырöдчисны көкъямыс конкурсант. Став юалöмыс вöлі йитчöма коми кывкөд да коми йöзлөн традиция-обычайкөд.

Кывкөртöд вöчөм бöрын коймөд места вичмис 37-öд номера школаын велöдчысь Дарина Морозовалы (велöдысьыс - Галина Михайловна Шарафутдинова). Мöд местаö петіс 30-öд номера школаысь Андрей Габов (велöдысьыс - Мария Васильевна Кулиш). А коми кывйысь медбур тöдöмлун петкөдліс медводдза номера гимназияысь Антон Капецкий, (велöдысьыс - Надежда Владимировна Добрынина). Став конкурсантлы да вермысьлы вичмисны козинъяс да сертификатъяс.

Сэки жö öттшöтш вöчисны «Челядьдырся кад» коми кывъя сочинениеяслөн конкурслы кывкөртöдъяс. Ставнас воис вит велöдчанїнысь 11 удж. Донъялысыяс эз кутны торйöдны медбур уджъяс, сы вöсна мый ставсö найö вöлі тыр-бура гижöма. Быдöнлы на пöвстысь вичмис диплом да кывбур чукөр.

Елена ИВАНОВА



ЕНБИ

Медвойдөр көсья висътавны: ми коркө паныдасьлім нин Юрий Лисовскийкөд. А вөлі со кызди: өтчыд ми, искусство гимназияын велөдчысьяс, мөдөдчим Кулөмдін районысь Помөсдіне «Дмитриевскөй лыддьысьөмъяс» вылө. Вунөді нин, Помөсдінас мунігөн либө бөрсө локтігөн, ми веськалім өти автобусө. Сэки Юрий Лисовский петкөдчис меным бур сьөлөма мортөн. Да не-уна аслыспөлөсөн, өд фотоаппаратөн снимайтис ва качайтан башняяс и висъталіс на миянлы, мыйла сылы колөны татшөм снимокъяссыс.

Но, кызд шуласны, тайө мойдыслөн панас, а мойдыс водзө лө.

Серпасасьны быдөн кужө

Дзик на неважөн ми классөн ветлім Юрий Николаевичлөн мастер-класс вылө. Вөлі сійө культураын водзмөстчөмъяслөн «Югөр» шөринын. Сэні жө сылысь и выставка вөлі котыртөма.

Медводз ми веськалім фото-выставка вылө. Вом паськөдөмөн видзөдалім снимокъяссө. Меным зэв ёна кажитчис, кутшөм лөсыда да мичаа сійө снимайтөма и лымсө, и ляпкыдик гыасөн ворсысь васө.

Сэсья ми вуджим серпасъяс залө. Менам синмөй омөль да, эг пыр казав Юрий Лисовскийлысь серпасасян сямсө. Но өчкиаси да аддзи, мый сылөн серпасъясын быд ичөттөр пасіөма зэв ясыда да стөча. И сэки ме збыльысь шемөсми, өд мыйта кад да вын колө видзны, медым татшөма серпасавны лэбачъясөс, чериясөс, йөзөс, и медым серпасын эз вөв ни өти ковтөм визь либө чут.

Ме шензөмөн велөдлі өти картинасянь мөд дорө да снимайталі меным кажитчана серпасъяссө. И кызкө виччысьтөг кыліс мужичөйлөн гөлөс: «О, воинныд нин?» Тыдалө, миянлысь кодкө юасьө. Бергөдчи, а сэні сулалө

Юрий Лисовский да нюмъялө. Ме матыстчи сы дорө, а юрын мөвп жуө: «Да, тайө мортис вөлі сэки автобусас». Збыльысь сійө. Но гораа нинөм эг шу, сөмын ас кежысь нюммуни.

Мастер-класс дырйи ме гөгөр-вои, мыйла сылөн серпасъясын сэтшөм тшөкыда паныдасьлөны черияс да лэбачъяс. Юрий Лисовский өд серпасалө коми мифъяссыс куим мир: вылыс мирын олөны лэбачъяс, улысын - черияс, а шөрас - йөз, сэні жө быдмөны пуяс, сулалөны керкаяс. Юрий Николаевичөс кывзөм бөрын и аслым окота лоис серпасавны дневникөс «Лисовскийлөн стильын». Сөмын рисуйті эг мифъяссыс, а ас гөгөрысь мирсө.

Тайө аддзысьлігас ме быттө выльысь восьті аслым тайө нюсера, абу уна сёрниа мортсө. А кор Юрий Лисовскийсянь ме кылі: «Быдөн кужө серпасасьны, сөмын оз төд та йылысь», мөвпыштті, мый ми ськөд өтмоза думайтам. Од и ме тадзи жө шулывла налы, коді элясьбө, ог пө куж рисуйтчынысө.

Дарья МАТАСОВА



Велодысьлы КЫВ

Ичот классын велөдчигөн ме полі весиг «директор» кывсьыс. Өд шулісны, сійө пö сэтшөм морт, коді сөмын тшөктыны да видны вермө. Тадзи ме чайті сэтчөдз, кытчөдз Юрий

Спиридинов нима искусство гимназияса корабльлөн штурвал сайö эз сует Мария Вячеславовна Кузьбожева.

Миянлы зэв ёна мойвиис



Сылысь нимсö гимназияын и водзті нин унаысь кывлі. Учителяс пыр вöлі казтылöны: «А вот кор Мария Вячеславовна директорөн вöлі...» И со 2013 вося арын сійö бөр локтіс миян дорö.

Кызди и став директорсьыс, первойсö и сыысь ме полі. А луннас некымынысь вочаавны куті да, полöмыс вочасөн быри. Асывнас мунан урок вылö, и паныдасьö Мария Вячеславовна. Меліа нюмъялö, чолöмасьö комиён. И пыр жö лов вылад кокныдджык да долыдджык лоö.

Тайö во джыннас ме унаысь аддзылі, кызди сійö челядкөд сёрнитö, быдöнлы бур кыв корсьö. Юксö накөд шаньлуннас, мелілуннас, сьолöм шоныднас. И унаысь юасьлі ассьым: «Кызди Мария Вячеславовна вермө лоны татшөм шаньнас, восьса сьолöманас, өд сійö директор? Директорлөн өд сы мында уджыс, сійö тшөкыда ветывлө командировкаö, уна кабала гижö».

И со сійö воліс миян классö. Уна выльтор ме сэки сы йылысь тöдмалі. Вөлөмкө, чужлөма сійö да быдмөма Кулөмдін районас Кужйын. Тайö неыдждык сикт, көні ставөн бура төдöны өтамöдсö, гөгөрвооны да пыдди пуктöны ёрта-ёртсö. Гашкö, челядырыс бур йöз пöвстын кольöма, да та вöсна миян директорным татшөм шань да восьса мортөн и лоöма. Шуоны өд, ичөтдырйиис на пö мортылдөн этшыс да сямьыс сөвмө-подуласьö.

Водзмөстчысь нывкаён вөлөма, пионерөн. Чужан сик-

тас велөдлөмаось 8-өд классөдз, и шөр школасö помавлөма орчча Кебангьель посёлокын. Олөма интернатын. А ми, гимназистьяс, зэв бура төдам, кутшөм-джык сійö - ичөтөн на мунны гортсьыд да овны бать-мамсьыд бокын. Өд сэки заводитан олөмсö гөгөрвоны, ас вылад сөмын надейтчыны, вылө донъявны быд лун да нимкодясьны сылы. Да зиян, мед эн вош олөмас. И зэв колö, мед кодкө отсаліс тэныд тайö кадколастас. Мария Вячеславовналы отсалөма ськөд отлаын велөдчысьяскөд ёртасьöмыс. И миянкөд аддзысьлыны-сёрнитны воліс Наталья Витальевнакөд, кодкөд велөдчылөма öти классын.

Школаын велөдчигас жö сійö веськавлөма «Орлёнок» лагерö. И сэтчө ветлөмыс вежөма сылысь олөмсö. «Орлёнок» бөрын нөшта на водзмөстчысьөн, уджачөн лоöма. Кутшөм бура ме гөгөрвоа Мария Вячеславовнаб: гимназиясь өд миянлы сьлөн «Орлёнок» кодь жö, коді вежö и миянлысь олөмнымсö.

Мария Вячеславовна - физика да математика велөдысь. Школаас на окотапырысь сьökыд задачаыс решайтлөма. Öти конкурсын весиг вермысьөн лоöма да, сійöс технической вузö корөмаось велөдчыны. Но олөмыс сылы мөд туй дасьтылөма - велөдысьөн лоны.

Мед көть сійö и физикалань да математикалань сетчөма, но радейтлөма и сочинениеыс гижны, небөгьяс лыддыны. Медрадейтана гижысьяс лыдас и Аркадий Гайдар. А ёртьяс пөвстас и нима-лана коми гижысь Виктор Егорович Напалков.

Төдмасын Мария Вячеславовна кодь мортыскөд и аслыд окота лоö йöзысьлы бур вöчны. И кутшөма мойвиис меным да менам ёртьясьлы, мый ми велөдчам гимназияын, кодлөн штурвал сайын сулалö Мария Вячеславовна Кузьбожева.

Дарья БЕЛОВА



ВӨЛӨМКӨ

Көтө миян странаын, көтө суйөр сайын студентъяслон оломыд зэв гажа. Пасъям медся шензьөданасө налон велөдчөмысь.

«Турунвиж синьяса» студент

* Тшөкыда студентъяс унмовсьлоны лекция дырйи. Студенталан кад бырөдө налысь став вын. Францияын тайө мытшөдысь мынтөдчөны аслыспөлөса. Нант карса университетын вөчөмаось шойччан жыр, көни быд студент вермас шойччыштны-узыштны.

* Абитуриент кывлөн вежөртасыс петкөдлө ныв-зонмөс, кодыас мөвпалөны пырны велөдчанинө. Но збыльвылас артмөма латинскөй abiturientis («мунны») кывсянь. Сидзкө, абитуриент кывлөн вежөртасыс - студент, кодэ помалө велөдчанин. Мирса уна странаын татшөм вежөртасөн и водитчөны, но миян странаын абу стөч вуджөдөм понда кольөма дзык мөд пөлөс вежөртас.

* Студент «пöрысьмө». Шуам, Европаын йөзыс пыр сөрөнджык пырөны велөдчаны. Швейцарияын студентлөн шөр арлыдыс - 25,5 арөс, а Россияын - 18 арөс-сянь 27-өдз.



* Суйөрсайса странаын экзамен водзын студентъяс горзөны Тарзан либө футбол радейтысь фанат моз 5-10 кымын минут. Тадзи найө мынтөдчөны стресссысь.

* Гарвард послөн кузьтасыс - «364,4 смут да нөшта өти пель». Тайө кузьталөн нимыс лоөма Оливер Смут студентлөн ов серти. Сы отсөгөн 1958 воын студентъяс мерайтөмаось поссө. 170 сантиметр кузьта Оливерөс вешталөмаось туй кузя да вөчөмаось пасйөдысь. Со татшөм америкаса «38 попугаев» эм.

* США-са Принстонскөй университетын студентъяс гижөны экзамен велөдысьтөг. Медводдза курсын ныв-зон сетөны клятва, сы бөрын экзамен дырйи оз позь списывайтны.

* Нималана Йельскөй университетын эм аслыспөлөс традиция. Гырысь курса студентъяс разөдөны ассыныс конспектыссь медводдза курссаяслы. Тадзи первокурсник лоө уджйөза на водзын, но некутшөм сьом мынтыны оз ков. Сылысь мавтөны синсө зелёнкаөн (бытгө машина бияс), и та бөрын медводдза курса студент новлөдлө-катайтө мышылас выпускник-студентөс.



* Японияса студентъяс экзамен вылө босьтөны «Kit Kat» шоколад, өд сийө налы лоө талисманөн. Японияса кывтэчас «бытгө вермам» - «kitto katsu» зэв матыс индөм шоколад нимкөд.



* Эм көмлөн торъя сикас, көни эм розь, медым студент вермас экзамен кешлө пуктыны көрт сьом. Велөдчысьяс серти, тайөс колө вөчны, медым сурас кокин билет да мед велөдысьыс эз вывтись.





«Евровидение-2014» сьыланкывъ-яслön конкурс дырйи миян страна сянь петкöдчисны Мария да Анастасия Толмачеваяс. Налön тайö абу медводдза кывкутана конкурс, водзын вермывлöмаось нин челядълön «Евровидение-2006» конкурсын.

Дзирдаліс «Shine»

Чужлöмаось Толмачёва близнеч-чойяс Курскын 1997-öd вося январь 14 лунö мукöдысь нинöмön торъявтöм семьяын. Батыс заводын уджавлöма, а музыка дорö нывъясöс сибöдöма мамыс, öд велöдöма шыла-да школаын.

Медводдзаысь нывъясыслысь музыкаын енбиалунсö мамыс казялöма ичöтдырйиыс, кор Маша да Настя сьылöмаось мультфильмъясось сьыланкывъяс. Квайт арöсын найö кывкутöмön босьтчöмаось волены «Сверчок» эстраднöй студияö, бöрын и театральнöй студияö. Чойяс пырöдчöмаось уна сикас музыкальнöй конкурсö. Вермöмаось «Золотая ла-

дья», «Невские звёзочки», «Созвездие молодых» конкурсъясын.

2006 воын найö вермöмаось челядълön «Евровидение» ордйысьöмын. Сэтчö найö веськалöмаось «Весенний джаз» ас лöсьöдöм сьыланкывйöн. Татшöм нималана конкурсö веськавны кöсийöмаось унаöн, но ставсыс бöрийöмаось буретш найöс.

2007 воын найö петкöдчöмаось «Славянский базар» фестивалын, сэсся «Муз-ТВ-2007» конкурсын. Снимайтчöмаось Алла Пугачёвакöд «Королевство кривых зеркал» мюзиклын, кöни сьылöмаось «Дин-дон». Налön медводдза альбом шусьö «Половинки».

Тавося Копенгагенын

мунысь «Евровидение-2014» конкурсын Толмачёва чойяс сьылісны «Shine». Сьыланкывсö налы лöсьöдісны Филлипп Киркоров да нималана греческöй продюсер. «Россия 1» телеканал бöрийис чойясöс, медым петкöдчыны миян страна нимсянь тайö конкурсын. «Евровидение» водзын чойяслы ковмис ёна сьывны, велöдны англия кыв, ветлыны спортзалö. На серти, конкурсö пырöдчöм - налön олöм. Финалын Настя да Маша Толмачёваяс зэв бура петкöдчисны да шедöдісны сизимöд места. «Евровидение» бöрын Толмачёваяслön карьера, чайтöм серти, водзö кыптас ыджыд öдön.



«Коми йöзöдчан керка»
Коми Республикаса
автономнöй учреждение.
Веськöдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральнöй
службалön Беломорскöй
управлениеын.
Регистрируйтан пас:
ПИ №ФС 3-0686.
Социальнöй тöдчанлуна
гижöдъяссьö йöзöдöма «Коми
йöзöдчан керка» автономнöй
учреждениеылы печать да юөр
сетан КР-са агентствöн
вичмöдöм сьöм вылö.



Редакциялön адрес:
167982, Сыктывкар,
К.Маркс улица,
229-öd керка,
401-402 кабинетъяс.
Тел. 24-12-22, 24-36-49.
E-mail: yologa@mail.ru



Редакцияын
уджалысьяс:
том йöзлön мытшöдъяс
юкөнön веськöдлысь –
Надежда Пунегова;
письмö юкөнön
веськöдлысь –
Екатерина Микушева.



Медводдза лист бокас
снимокыс
Надежда
Пунеговалön.



Авторъяслön мөвпьяс оз
пыр лöсявны редакциялön
видзöдласкöд.



Тираж – 568.
Гижöдчан индекс – 52099.
«Йолöга» газет петö
1991-öd восянь
вежоннас öтчыд, комиön.



Печатьö кырымалан кад:
график серти – май
толъсылön 21-öd лунö
16 часын; кырымалöма
печатьö 16 часын.
Газет печатайтöма
«Коми республиканскöй
типография» ООО-ын дась
оригинал-макетъясысь.
167610, Сыктывкар,
В.Савин улица, 81
Заказ №



СЕНСАЦИЯ, СЫКТЫВКАР, ВСТРЕЧАЙ!

с **17**
мая

по **1**
июня

АQUACIRCU

РЕСПУБЛИКАНСКИЙ

СТАДИОН

(ЗАПАСНОЕ ПОЛЕ)

ЦИРК

НА ВОДЕ

AQUACIRCUS

АКЦИЯ!

НА БУДНИЧНЫЕ ПРЕДСТАВЛЕНИЯ
СКИДКА С КАЖДОГО БИЛЕТА

100 руб.

НАЧАЛО:

17 мая (СБ)-17.00	28 мая (СР)-18.00
18 мая (ВС)-17.00	29 мая (ЧТ)-18.00
21 мая (СР)-18.00	31 мая (СБ)-13.00
22 мая (ЧТ)-18.00	17.00
24 мая (СБ)-13.00	1 июня (ВС)-13.00
17.00	17.00
25 мая (ВС)-17.00	17.00

информационный спонсор " НАРОДНАЯ СПРАВКА "

ДЕТЯМ ДО 5 ЛЕТ
ВХОД БЕСПЛАТНЫЙ

тел.: 577-577, 8 963 559 0005

БИЛЕТЫ: КАССА ЦИРКА, ЦУМ(55-11-30), КАССА СТАДИОНА(39-00-42)

ВНИМАНИЕ!

ПРИ ПОКУПКЕ БИЛЕТОВ НА ПЕРВОЕ
ПРЕДСТАВЛЕНИЕ ДО **17МАЯ**

СКИДКА 20%